



Երեց Ռասել Մ. Նեյսոն

Տասներկու Առաքյալների Քվորումից

Սիրով կապված սերունդներ

Ընտանեկան կապերի մեր բնածին փաստագր բախարադրում է, նրբ մենք կապվում ենք մեր նախնիներին տաճարի սուրբ սղաղոդությունների միջոցով:

Չատիկի կամ Սուրբ ծննդյան ժամանակ մեր ստացած նամակները թարմ հիշողություններ են արթնացնում կապված մեր թանկագին ընկերների ու բարեկամների հետ: Որոշ նամակներում լինում են նաև հրաշալի ընտանեկան նկարներ: Միս դրանցից մեկը, որ լիովին գրավեց իմ ուշադրությունը:


Սա մեր ծոռնուհիներից մեկն է: Ես նրան կկոչեմ «Թանկագին Ռուբի»: Այս նկարը ինձ հիշեցրեց նրա մորը, նրբ նա մոտավորապես այդ տարիքին էր: Ես գտել եմ նաև «Թանկագին Ռուբիի» մոր՝ մեր թոռնուհիներից մեկի նկարը:

«Թանկագին Ռուբիի» մոր այս նկարը ես հանել եմ մոտ 29 տարի առաջ: Նրա աչքերը մնացել են ճիշտ այսպես կապույտ:

Կես դար առաջվա հաճելի հուշեր հայտնվեցին, նրբ «Թանկագին Ռուբիի» տատիկը, մեր աղջիկներից մեկը, մեր ընտանիքի ամենակրտսեր անդամն էր: Սա նրա մանկության նկարներից մեկն է: Այժմ նա մի հրաշալի տատիկ է, իսկ ես «Թանկագին

Ռուբիի» մեծ պապիկն եմ: (Ես ձեզ ցույց չեմ տա իմ մանկության նկարը: Այն ոչնչով չի օգնի:) Այս նկարները հուշում են այն սիրտ մասին, որ իրար է կապում մեր չորս սերունդները:

Երբ ես մտածում եմ այն սիրտ մասին, որով սիրում եմ մեր ընտանիքի յուրաքանչյուր անդամի, ես որոշ չափով զգում եմ այն սերը, որ մեր Երկնային Հայրն ունի Իր զավակների հանդեպ: Մինչդեռ ամբողջ աշխարհում ընտանիքը գտնվում է վտանգի տակ, Հիսուս Քրիստոսի Վերջին Օրերի Սրբերի Եկեղեցին պաշտոնապես հայտարարում, օժանդակում և պահպանում է այն ճշմարտությունը, որ ընտանիքն առանցքային է Արարչի ծրագրում՝ նվիրված Իր զավակների հավերժական ճակատագրին: «Ընտանիք» Հայտարարություն Աշխարհին» և մեր ընտանեկան պատմությանը նվիրված հսկայական ջանքերը ընդամենը երկու փաստեր են, թե ինչպես է այս Եկեղեցին հույս և օգնություն բերում այնպիսի սուրբ հաստատությանը, ինչպիսին ընտանիքն է:



«Սիրելի Ռուբին», Երեց Նեյսոնի ծոռնուհին



«Սիրելի Ռուբիի» մայրը, Երեց Նեյսոնի թոռնուհին



«Սիրելի Ռուբիի» տատիկը, Երեց Նեյսոնի դուստրը



Տաճարային ծննդի քարտեր

Մենք սովորեցնում ենք, որ Աստծո սերն էր զավակների հանդեպ անսահման է: Անկախ ազգությունից կամ սեռից, Նա սիրում է բոլորին:¹ Նա այդպես է վարվել հենց սկզբից և այդպես էլ կշարունակի անել: Նա հրավիրում է բոլորին ստանալ հավերժական վեհացում իրենց ընտանիքների համար: Նրա գործը և Նրա փառքն է՝ իրականացնել Իր զավակների անմահությունն ու հավերժական կյանքը՝ վեհացումը:² «Որովհետև Աստված այնպես սիրեց աշխարհքը, որ իր միածին որդին տվավ, որ ամեն նորան հավատացողը չկորչի, այլ հավիտենական կյանքն ունենա»:³

Իր Սիրելի Որդու Քավության հնարավոր դարձավ իրականացնել Հոր երկու նպատակները: Առանց Քավության չէր լինի անմահություն: Առանց Քավության չէր լինի վերադարձ դեպի Հոր ներկայություն և ընտանիքը չէր շարունակվի գերեզմանից այն կողմ:

Քավության շնորհիվ այս մեծագույն օրհնությունները կարող են ըմբռնել լինել Աստծո յուրաքանչյուր զավակի համար, ով հնազանդվում է Նրա հավերժական օրենքներին: Դարեր շարունակ Նրա զավակներից շատերը հնարավորություն են ունեցել օգտվելու ավետարանի օրհնություններից, սակայն մեծամասնությունը զուրկ է

եղել դրանցից: Մինչև աշխարհի ստեղծումը մեր Երկնային Հայրը հաստատեց մկրտության արարողությունը նրանց համար, ովքեր մահանում են առանց ավետարանի գիտելիքների:⁴ Նա այդ զավակներին նույնպես սիրում է:

Նա նրանց համար նույնպես ճանապարհ է պատրաստել, որ հավերժական ընտանիքի մասը լինեն: Յուրաքանչյուր մարդկային էակ, ով գալիս է այս աշխարհ, ծնողների սերնդի հետևորդ է: Մենք մեր նախնիների հետ միանալու բնական փափագ ունենք: Այս ցանկությունն ապրում է մեր սրտերում՝ անկախ տարիքից:

Խորհեք այն հոգևոր կապի մասին, որը ձևավորվում է այն պահին, երբ երիտասարդ կինը օգնում է իր տատիկին համակարգչի մեջ իրենց գերդաստանի վերաբերյալ տեղեկություններ մտցնել, կամ երբ երիտասարդ տղան տեսնում է իր մեծ պապիկի անունը մարդահամարի արձանագրություններում: Երբ մեր սրտերը դառնում են դեպի մեր նախնիները, ինչ-որ բան փոխվում է մեր մեջ: Մենք մեզ մաս ենք զգում ինչ-որ ավելի կարևոր մի բանի: Ընտանեկան կապերի մեր բնածին փափագը բավարարվում է, երբ մենք կապվում ենք մեր նախնիներին տաճարի սուրբ արարողությունների միջոցով:

Այս գործի կարևորության պատճառով, Եկեղեցին տաճարներ է կառուցել մարդկանց ավելի մոտ,⁵ և ընտանեկան պատմության ուսումնասիրությունը բավականին հեշտացվել է: Տաճարի արարողությունների համար անուններ գտնելու ու պատրաստելու մեթոդները նույնպես կատարելագործվում են: 2005թ. հոկտեմբերի համաժողովին Նախագահ Գորդոն Բ. Հինքլին ընտանեկան պատմության և տաճարային աշխատանքի առաջընթացի ոգևորիչ քայլ հայտարարեց: Նա ասաց. «Մեր տաճարային գործունեության ամենամահանգստացնող հարցն այն է, որ որքան շատ տաճարներ ենք մենք ունենում աշխարհով մեկ, այնքան ավելանում են կրկնորդումները ... Ուստի, մի որոշ ժամանակ մենք այս շատ կարևոր խնդրով էինք զբաղված ... Խնդրի լուծումը

կախված է համակարգչային բարդ տեխնոլոգիաներից»:⁶

Դրանից հետո ոչ միայն կրկնորդումներն են նվազել, այլ նաև արարողակարգերն են պարզեցվել, որպեսզի Եկեղեցու գրեթե յուրաքանչյուր անդամ կարողանա մասնակցել տաճարի և ընտանեկան պատմության աշխատանքին: Անցել են այն օրերը, երբ այս սուրբ աշխատանքը կատարվում էր միայն մասնագետների կողմից: Անկախ ձևեր իրավիճակից, դուք կարող եք ընտանեկան պատմությունը դարձնել ձեր կյանքի մի մասը հենց հիմա: Երեխաները կարող են նկարել մի տոհմաժառ: Պատանիները կարող են մահացածների համար մկրտությունների մասնակցել: Նրանք կարող են նաև օգնել մեծահասակներին համակարգչով աշխատելիս: Ծնողները կարող են իրենց կյանքից պատմություններ պատմել իրենց ժառանգներին: Արժանի չափահաս անդամները կարող են տաճարի երաշխավորագիր ունենալ և տաճարային արարողություններ անել իրենց իսկ ազգականների համար:

Չոզեֆ Սմիթ Մարգարեն ասել է. «Այս աշխարհում ամենամեծ պարտականությունը, որ Աստված դրել է մեզ վրա, դա մեր մահացածներին փնտրելն է»:⁷ Ժամանակակից տեխնոլոգիաները հեշտացնում են այդ պարտականության կատարումը ավելի, քան երբևէ: Տաճարի և ընտանեկան պատմության աշխատանքը այժմ հեշտացվել է նոր FamilySearch համակարգի օգնությամբ:⁸ Համացանցի վրա հիմնված այս համակարգը օգնում է անդամներին գտնել իրենց նախնիներին, պարզել, թե ինչ արարողություններ պետք է կատարվի նրանց համար, և պատրաստել նրանց անունները տաճարի համար: Դրան կարելի է միանալ տանը, ընտանեկան պատմության կենտրոնում,⁹ կամ ցանկացած այլ վայրում, որտեղ որ համացանցի հնարավորություն կա: Այս քայլերին հեշտ է հետևել:¹⁰

Դուք առաջինը ճշում եք այն անհատներին, ում համար ցանկանում եք տաճարային աշխատանք կատարել:

Այնուհետև դուք պատճենահանում եք Ընտանեկան Արարողու-

թյունների չարացներթիկը: Այս փաստաթուղթը տաճարում պետք եկող տեղեկություններ է տրամադրում և վերացնում է համակարգչային սկավառակներ ձեր հետ տանելու կարիքը:

Ընտանեկան Արարողությունների չարացներթիկից տաճարում տպում են արարողության թերթիկներ: Արարողության կատարումից հետո հենց այդ նույն օրը այն գրանցվում է և մուտքագրվում նոր FamilySearch:

Այժմ, ի՞նչ կանեն ձեզնից նրանք, ովքեր մուտք չունեն համակարգիչ կամ ովքեր նախընտրում են չօգտագործել այս տեխնոլոգիան: Մի՛ անհանգստացնեք: Աստիճանաբար ամեն ինչ կարվի: Սկսեք տանը: Սկսեք դատարկ ստվարաթղթեր տուփից, ինչպես խորհուրդ է տվել Նախագահ Բոյդ Ք. Փաքերը:¹¹ Այդ տուփում դրեք կարևոր տեղեկություններ ձեր և ձեր ընտանիքի մասին: Տվյալներ ավելացրեք, որոնք ստացել եք ձեր ընտանիքի մյուս անդամներից: Այնուհետև թույլ տվեք, որ ձեր ծխի կամ ճյուղի ընտանեկան պատմության խորհրդատուն ձեզ օգնի: Նոր FamilySearch համակարգը խորհրդատուին հնարավորություն է տալիս ձեզ իրականացնել բոլոր պահանջվող համակարգչային գործողությունները, ներառյալ տաճարի համար անունների պատրաստումը: Մոտ 60000 խորհրդատուներ են ծառայում աշխարհով մեկ: Չեր ծխում կամ ճյուղում այդպիսի մեկը կարող է ձեզ շատ օգտակար լինել:

Նոր FamilySearch համակարգը փոխում է ընտանեկան պատմության գործընթացը, աշխատելով ստեղծել մեկ ընդհանուր տոհմաժառ: Անցյալում անհատն առանձին էր աշխատում՝ պահելով իր իսկ ընտանիքի գրառումները: Հաճախ մեկն աշխատում էր՝ առանց իմանալու, թե ինչ են անում ընտանիքի մյուս անդամները: Այժմ յուրաքանչյուր անհատ կարող է տեղեկություն մուտքագրել, միաժամանակ համակարգելով մյուսների հետ իրենց տոհմաժառի զարգացումը:

Չնայած, որ նոր FamilySearch-ը հսկայական քայլ է դեպի առաջ, այն դեռևս միայն մի քայլ է: Առջևում դեռ շատ աշխատանք կա: Քանի



Սրբերը Սան Սալվադոր Էլ Սալվադոր Իռականգո Ցցից այցելում են Գվատեմալա Միթի Գվատեմալա Տաճարը:

որ համակարգը հեշտացրել է մուտքը դեպի տասնամյակների ընթացքում տարբեր աղբյուրներից Եկեղեցուն ներկայացրած տեղեկությունները, նոր FamilySearch-ը կարող է բացահայտել կրկնօրոգումների մուտքագրումը կամ սխալները, որոնք նախկինում չեն նկատվել: Այս առանձնահատկությունը հատկապես օգտակար է նրանց համար, ովքեր ունեն նախնիներ վաղ շրջանի պիոներների մեջ: Կրկնօրոգումներն ու սխալները պետք է շտկել, և ոչ ոք չի կարող դա ավելի լավ անել, քան յուրաքանչյուր անհատ իր իսկ ընտանիքի համար:

Դուք կարող է հուսալիս լինեք, երբ աշխատելիս հանդիպեք այսպիսի դժարությունների: Խնդրում եմ վստահ եղեք, որ ձեր մտահոգությունները լավ հասկացվում են: Եկեղեցին, Նախագահ Թոմաս Ս. Մոնտոնի ոգեշնչված առաջնորդության ներքո, ջանասիրաբար օգնում են ձեզ այս խնդիրները լուծելիս: Միասին մենք փորձում ենք տոհմաժառ կազմել Աստծո բոլոր զավակների համար: Մրանք վիթխարի ջանքեր են՝ վիթխարի պարգևատրությամբ:

Սա ուրախակի աշխատանք է: Նայեք այս նորադարձների նկարին, որոնք տաճարային աշխատանք են կատարում իրենց ազգականների համար: Այս թանկագին Սրբերը Իլուպանգոյից են, Էլ Սալվադոր Ցցից:

Նրանք առաջին անգամ այցելել են Գվատեմալա Միթի Տաճար: Նրանք բռնել են իրենց տաճարային թերթիկները՝ յուրաքանչյուրը մահացած ազգականի անունով, ում համար որ նրանք կատարել են փոխմկրտություն:

Որպեսզի Եկեղեցու ընտանեկան պատմության նպատակադրված համատեղ գործողությունները հաջողության հասնեն, միանգամայն անհրաժեշտ են քահանայության ցուցումներն ու առաջնորդությունը: Ղեկավարները սովորեցնում ու վկայում են այս սրբազան աշխատանքի հիմքում ընկած վարդապետության մասին:¹² Նրանք կոչումներ են տալիս և հետևում ուսուցմանը:¹³ Նրանք տաճարը և ընտանեկան պատմության գործունեությունը դիտում են որպես իրենց ծխի ոգին բարձրացնող, նորադարձների հոգևոր արմատները ուժեղացնող, և բոլոր անդամների կյանքն օրհնող միջոց:

Տաճարային և ընտանեկան պատմության աշխատանքը զորություն ունի օրհնելու ոչ միայն նրանց, ովքեր վարագույրի այն կողմում են, այլ նաև նրանց, ովքեր ապրում են: Այն ունի կատարելագործող ազդեցություն նրանց վրա, ովքեր զբաղվում են դրանով: Նրանք բառիս բուն իմաստով օգնում են իրենց ընտանիքներին վնհանալ:



ՀՂՈՒՄՆԵՐ

1. Տես Ա. Կորնթացիս ժԲ 12.13, Գաղատացիս Գ.28, 2 Նեփի 26.33:
2. Տես Մովսես 1.39:
3. Հովհաննես 3.16:
4. Տես Վարդապետություն և Ուխտեր 124.33:
5. Նախագահ Թոմաս Ս. Մոնտոնը ասել է վերջերս, որ ամբողջ աշխարհում մեր անդամների 83 տոկոսն ապրում է տաճարների շուրջ 200 մղոն տրամագծով (տես «Բարի գալուստ համաժողով», *Ihuabnua*, Նոյեմբեր 2009, 4):
6. Gordon B. Hinckley, "Opening Remarks," *Liabona*, Nov. 2005, 5-6.
7. *Teachings of Presidents of the Church: Joseph Smith* (2007), 475.
8. Ներկայումս մատչելի է անգլերեն, իսպաներեն, պորտուգալերեն, ֆրանսերեն և գերմաներեն: Մինչև տարվա վերջ մատչելի կլինի ճապոներեն, չինարեն և կորեերեն:
9. Մենք ունենք ավելի քան 4000 ընտանեկան պատմության կենտրոններ աշխարհով մեկ:
10. Եթե դուք համակարգիչ ունեք, մտքը new.familysearch.org: Առաջին անգամ գրանցվելու համար ձեզ անհրաժեշտ կլինի ձեր անդամության համարը և ձեր ծննդյան ամսաթիվը: Դուք կարող եք իմանալ այս տվյալները ձեր ծխի կամ ճյուղի գործավարից: Համակարգիչն միանալուց հետո դուք կարող եք հավաստիանալ, որ ձեր նախնիները համակարգում կան և և ինչ տաճարային արարողություններ են անհրաժեշտ: Դուք կարող եք հանդիպել նախնիների անունների, որոնք մինչ այժմ ձեզ հայտնի չեն եղել, և ավելացնել դրանք ձեր տոհմաժառանգ: Պատճենահանելը Ընտանեկան Արարողությունների Հարցաթերթիկը տաճար տանելու համար և այսպիսով ճանապարհ բացել անհրաժեշտ արարողությունները կատարելու համար:
11. Տես «Չեր Ընտանեկան Պատմությունը. Սկսվում է», *Ihuabnua*, Օգոստոս 2003, 12-17
12. Յգի նախագահության ղեկավարության ներքո նշանակված մեկ կամ ավելի բարձրագույն խորհրդականներ վերահսկում են տաճարի և քհնամեկան պատմության աշխատանքը ցցում: Ծխի կամ ճյուղի մակարդակով բարձրագույն քահանաների խմբի ղեկավարը կամ երեցների քվորումի նախագահն է ղեկավարում: Պատճենահանված կամ առցանցային շատ ռեսուրսներ կարող են օգնել ընտանեկան պատմության խորհրդատուներին և քահանայության ղեկավարներին կատարել իրենց պարտականությունները:
13. Օգնող նոր միջոցները ներառում են *Member's Guide to Temple and Family History Work* և *Instructor's Guide* DVD-ների հետ միասին: Ուղեցույցները կարելի է ներբեռնել կամ ուսումնասիրել համացանցում կամ պատվիրել Distribution Resource-ից lds.org կայքի միջոցով:
14. Վարդապետություն և Ուխտեր 124.24:
15. Տես Եսայիա ԿԱ.1, Դուկաս Դ.18, Վարդապետություն և Ուխտեր 138.18, 31, 42:
16. Տես Վարդապետություն և Ուխտեր 128.18:

Մենք վեհանում ենք, երբ մենք կարող ենք միասին ապրել մեր գերդաստանի հետ՝ Ամենագոր Աստծո ներկայության մեջ: Չոզեֆ Սմիթ մարգարեն կանխատեսել էր մեր պարտականությունները. «Տիրոջ մեծ օրը մոտ է», ասել է նա: «Եկեք, ուրեմն, որպես եկեղեցի և ժողովուրդ, և որպես Վերջին Օրերի Սրբեր, արդարությամբ ընծա մատուցենք Տիրոջը. և եկեք նրա սուրբ տաճարում, ... ներկայացնենք մի գիրք, որը կպարունակի մեր մահացածների գրանցումները, որն արժանի կլինի ամեն ընդունելության»:¹⁴

Այդ գրանցումների պատրաստումը մեր անհատական ու կոլեկտիվ պարտականությունն է: Երբ մենք միասին աշխատենք, մենք կարող ենք այն արժանի լինել Տիրոջ

կողմից լիարժեք ընդունման: Այդ գրանցումը հնարավոր է դարձնում արարողությունների կատարումը մեր մահացած նախնիների համար և դրանց ընդունումը նրանց կողմից՝ ըստ իրենց ընտրության: Այդ արարողությունները կարող են ազատություն բերել գերիներին՝ վարագույրի մյուս կողմում:¹⁵

Մեր երեխաները, թոռները, «Թանկագին Ռուբին» և մեր բոլոր ծոռնիկները կապված են սիրով: Նրանք մաս սիրով կապված են իրենց նախնիների: Սրբազան արարողություններով զոդված այդ կապերը տանում են մեր ընտանիքների վեհացմանը:¹⁶ Իմ աղոթքն է, որ այս սուրբ նպատակը հասկանալի լինի մեզնից յուրաքանչյուրին, Հիսուս Քրիստոսի անունով, ամեն: ■